

臺灣鄭氏始末

敘

道光丙申歲余在京師偶從藏書家假得閩人江日昇
臺灣紀事本末四十九篇敘天啟甲子歲鄭芝龍倡亂
至康熙癸亥其曾孫克塽投誠而止凡十數萬言頗爲
詳盡惜體類小說辭不雅馴余因參攷他書刪其繁蕪
加以潤色其事蹟年月少有不合者則姑仍之蓋疑以
傳疑古人所尙自非身親目接者固未見彼之爲是而
此之爲非也書旣成析爲六卷題曰臺灣鄭氏始末并
識其緣起於簡端云是年冬十一月德清沈雲白敘

臺灣鄭氏始末卷一

吳興叢書

德清沈雲撰

烏程沈 珪注

臺灣縣大海中北界彰化之雞籠城

在縣極北海中

南界鳳山

之砂馬磯

縣東南二百里

縱輪近三千里東背山西面澎湖

島在臺灣縣西五十里海舊稱澎湖之東爲毗舍邪國

中臺灣廢城在今縣西南或曰昆舍邪國祖果睢于習鏢努宋高熙開嘗有酋眾

肆掠泉之水澳

寨卽永甯衛

圍頭

鎮在晉江縣南一百里

等處明嘉靖

年都督俞大猷嘗追海寇林道乾於澎湖道乾窮入嶼

不樂其土恣殺番眾以血膏艇棄之占城而臺地之阨

實自鄭芝龍父子芝龍南安人父紹祖爲泉州府胥芝

龍嘗兒戲擲瓦牆外謬中知府蔡善繼冠折左翼趣執

既至奇其狀而縱之長益矯不羈道廣東香山澳傳市
舶之日本豔翁氏女年十七睜焉不反會海澄亡命顏
思齊爲甲贏蓋彼夷所立以統華人者也豐積好施貸
與晉江販賣楊天生善天生謂日本達閩粵遼句驛得
之可以自大轉鳩洪升陳德張宏陳勳等二十八人長
思齊而芝龍年少爲之殿日本故於海隘置礮臺列卒
更成因謀間不意暫殺戍者還礮車內擣發徒眾縱火
板屋乘昏夜襲取要害分奇席卷隱祈天地盟約定天
啟四年夏六月將發翁氏婦夢巨魚觸膺生子男也眾
往賀因誠芝龍勿疏秘於婦人曰何至是是非夫矣而
同盟李英已醉不謹妻倭女王氏覺告而翁氏父翼皇

先奔告芝龍曰殆已王兵將至乃速思齊等駛大艇采
風遜已說凡艇十三思齊欲之舟山今定海縣陳德謂密邇
鄉土各歸耳難有固志不若風利駛臺灣便僉曰善入
晝夜乃至計撫土番立寮寨以時出獵海上時紹祖已
先死其羣從子姓歸者踵接而思齊以五年秋九月獵
諸羅山反病死咸薦於皇天后土卜以磁質杯二曰邦
伯不祿莫長莫君天庶新造賚一人以乂受祐那哉則
一俛一叩而無小損者從祝已乃次年擲杯眾罔協未
至芝龍允如祝眾巫曰盍再乃數十試皆俛叩協且完
眾謹曰天與之眾庇之矣柬六年春正月旬有八日受
終芝龍固辭乃就令曰戔戔懼不勝敦顏駕茲弗政曷

俾孰綱紀黜賞惟平孰斤農食居者行者咸賴孰司工
肆庀廳艦甲兵惟良孰修律度書識別旗表惟察孰肄
戰陳進止坐作攻守惟備孰典祭賓飾辭令盛聲容豫
占候巽條故咸周孰安上下徠豪俊聖邪謂納規誨克
均無隱其柬十八人任仔斐予以符旬有八日之應上
帝享予咸休其或不享咸劉咸其戒哉命不貳柬不以
實受而僨不濟者差罰勿赦柬而身覺不任者讓免芝
龍乳字一官至是更焉更其弟芝虎芝豹芝鵬芝燕餘
十三人皆以芝敘二月以楊天生洪升參軍事楊經李
英總饒軍陳勳林翼督造戰艦陳德張宏爲監軍芝龍
帥艇十艇各軍士六十偵事艦二艦各二十五人儲一

月糧於三月犯金門

卽浯洲與同安縣東南五十里海中

又犯廈門

卽嘉禾嶼

同安縣西南五十里海中

夏四月犯廣東靖海

在潮之惠來縣東南六十里

甲子

在惠之海豐縣東南一百五十里今陸豐縣東南一百五十里

二所所設指揮千百戶

轄軍士無禦寇者徒馳羽檄報寇執鋒盛不可當當事

悚懼上聞或以蔡善繼嘗善芝龍說巡撫爲招安計卽

起善繼泉州巡海道持撫臣朱欽相檄遣旗鼓黃昌奇

入海芝龍方燭滌戰艇於涖州

在莆田縣東南九十里海中

稔昌奇

故亦泉府胥與紹祖善重不忍違善繼意允就撫而陳

德等皆不欲乃別六艇遣還臺灣俟後命而自與羣從

統十二艇眾八百餘人入泉州港謁蔡會欽相疾月餘

不報芝虎因說曰撫臣意不測速去之便芝龍猶豫且

重負蔡虎又曰書生耳弇事體不速將及即夕駕汐出

泊關頭外灣部卒從厲兵攻海豐下之又攻嵌頭

莆田縣東

六十又連破甲子靖海二所七年春正月還泊漳浦之

舊鎮

縣東

巡撫朱一馮檄都司洪先春等會戰於將軍

澳

縣南

先春還舊鎮芝龍屯六鰲外嶼

縣東南七十里

偵先春

檄調鎮海

衛城在縣東北一百里

懸鐘

銅山西南詔安縣東南四十里銅山

陸鰲西南

詔安縣東八十里

六鰲

鎮海西南

各衛所軍士兼募沿海鄉勇芝豹

夜率二百人持海豐所獲鄉勇旗幟乘岸雜鄉勇中以

待越日先春出港口戰芝虎不勝芝豹起岸上來擊之

先春大敗遜金門一馮即令金門遊擊盧毓英會勦芝

龍令羣季作為商船並小艇唱漁歌分伏島嶼聞而自

傾數艇迎戰毓英少之芝龍復佯敗毓英駛進伏出弓
弩齊發遂禽毓英芝龍以禮遣還屬道嚮者就撫意毓
英還廈門謁都督俞咨皋言芝龍可撫狀咨皋者大猷
子也怒責毓英毓英至泉復以可撫狀告知府王猷猷
心是之而咨皋已至一馮所罪毓英失機繫獄更檄千
戶馬勝百戶楊世爵擊芝龍至將軍澳中伏皆死咨皋
又檄副總兵陳希范過戰於杏仔又敗洪應斗張選舉
沒焉咨皋大慚調閩安鎮在閩縣東四十里興化永甯衛城在晉江縣東南
六十里銅山六鰲縣鐘鎮海金門諸軍將會議中左所即廈
門芝龍偵諸將惟王飛熊林盛李夢斗精水戰餘子碌
碌不足數乃分十艇爲前鋒分八艇出青水溝約日中

山東碇會分四艇左右翼而自帥中軍六艇策應夜先發及旦遇咨皋軍芝虎鼓前鋒壓之戰林盛李夢斗至口中不決芝龍乘閒橫擊而東碇艇新軍奮起咨皋急麾分蔽而諸將誤謂退師遂大亂芝龍縱擊軍將溺失無算咨皋遯入廈門遂令指揮傅珪統十五艇抵禦南山芝龍至又大敗之咨皋遯三汊河在舊鎮東北先是龍溪縣東南朱欽相撫海寇楊六楊七咨皋實主其議及中左之戰皆率眾先遯漳州工科給事中顏繼祖劾咨皋希范逮問崇禎元年王猷復以撫議說巡撫熊文燦文燦下巡道鄧良知議問誰可使芝龍者猷以毓英對卽白文燦自獄中釋之使往方是時楊六楊七叛烏洋劉香老擾

惠潮南澳

在詔安縣西南百餘里饒平縣東南一百六十一里海中有三城去懸鐘澳日三十餘里

褚彩老劫沿海李魁奇攻掠澎湖遼羅等處最橫魁奇

惠安漁人能竟日行水中初聚眾澎湖候劫呂宋國船

陳德等同臺灣聞芝龍受撫不決以眾來會至澎湖為

魁奇所劫德及楊天生等皆死免歸臺灣者惟李英與

通事何斌芝龍聞之大悲秋九月毓英說芝龍降偏賂

當事皆喜遂詐以義士鄭芝龍收復鄭一官奏聞芝龍

乳名詳見前

官為防海遊擊復盧毓英監其軍芝龍曰世無

君子天下皆可貨取耳陳平之間項也黃金勝百戰矣

二年夏四月芝龍攻殺魁奇於遼羅取其首祭陳德等

盡降其眾六月遂斬楊六楊七於浯洲港

即金門

秋八月

褚彩老寇閩安芝龍追滅之於南日

山在興化府城東百里大海中三

年夏五月遣弟芝燕往日本迎婦翁氏及所生子而倭婦先未有入中地者不許芝龍命統戰艦數十逼竟上乃以所生子先歸年七歲芝龍喜其貌偉名之曰森字曰大木能讀書稍長通春秋左氏傳及孫吳兵法喜擊劍馳射時時東嚮咨嗟念母氏諸昆弟或有侮之者獨叔父鴻遠深器焉事諸母趙氏無閒年十五補南安縣學生香老寇小垵

寨在連江縣東百二十里南接南日山爲連江門戶

芝龍擊之

遂再寇長樂及海豐當事以撫芝龍故事遣惠潮分守

道洪雲蒸巡道康承祖參將夏之木張一傑入海招香

老需重賂皆被執八年春三月兩廣總督熊文燦福建

巡撫鄒惟璉檄芝龍討之香老時屯甲子脅雲蒸同舟

距師夏四月遇於田尾洋

當卽田尾澳之外洋澳出雲在碭石衛西門外可泊

蒸以撼芝龍雲蒸大呼曰當事非夫我則死急擊勿失

香老怒刃之遜是夜芝龍泊赤澳

卽赤澳近南澳

計香老必乘

潮至令芝虎芝豹伏眾艦前澳

當卽錢澳在潮陽縣東南二十里碭石在甲子

西甲子東爲錢澳又東爲赤澳赤澳近柘林

浮水寄碇已而果至大戰至日

中芝虎手盾口利刃援登檣巔近香老大艇躍而過搏

將刃之左隊艦未之見也然礮擊大艇虎與香老俱焚

死芝龍盡俘其眾還承祖之木一傑求芝虎尸五日不

得大慟徒招以祭十二年夏六月荷蘭國將郎畢吉里

哥連犯閩浙所至莫禦號曰紅夷軍夷精機巧用火器

多奇中乘巨艦曰夾板堅質密護銃礮矢石無所施故
我軍叩攻多敗失芝龍奉檄令芝豹東善泗水軍要瓠
笏乘小艇實茅薪神煙礮石神沙毒火而艇之首腹銳
狼牙銳釘相風水執駛抵彼艦不可拔然火浮水逸因
是焚其五艦餘遁去或表芝龍累多前虜於朝且善制
敵乃進總兵再進福建都督鴻逵授副總兵鎮南安贛
州荷蘭國王之弟曰揆一王因郎畢吉里哥敗歸請再
舉不許請中占一島地以通往來伺閒隙乃許揆一王
略地至臺灣遇何斌喜甚命爲甲螺度形勝築城於七
鯤身山在鳳山縣西北自打鼓山穿田過港遠逾六十餘里平地中結爲七峯如鯢魚鼓浪故名之
首曰臺澎城外列礮臺更築小城於對岸曰赤嵌城屬臺

縣十七年春三月京師陷夏五月福王立於南京以明年爲宏光元年封芝龍南安伯鎮福建鴻遠靖南伯充總兵官守鎮江芝豹彩並充水師副將芝龍遣兵衛南京子森入太學說錢謙益以知人善任招攜懷遠練武備足糧貯決壅蔽埽門戶曰少更事知之易行之難曰行之在公等度不能行則去能不我用亦去此豈貪祿位從事粉飾地邪能將將伊呂一人能將兵虎賁三千足矣不能多益擾衽席間皆流寇也謙益心畏而謝之大清順治二年夏四月大軍自歸德道泗逾淮克揚州獲史可法不屈死五月鴻遠以水師守瓜州曹總兵守儀徵距大軍北岸三日大軍分舟師潛由運河達南岸

陳於江之西距瓜州十五里紐鴻逵而別以舟師夜濟
未至南京福王先率馬士英及眾闕潛遯既至大學士
王鐸禮部尙書錢謙益並忻城伯魏國公等一百五十
六大員馬步兵二十三萬八千三百迎降大軍自徐州
進者敗劉澤清高佑於宿遷進清河又敗澤清馬化豹
等於淮黃清三河口入淮安界降范鳴珂進次清江澤
清田仰遯走柏永稷率兵出降遂克淮安鳳陽廬州望
風降福王遯太平六月復走熊湖黃得功戰死田雄馬
得功縛王及妃以獻十總兵并率眾降鴻逵自鎮江奔
杭州潞王監國三日出降紹興淮王渡江降繫周王眷
屬於湖州總兵王之仁率兵二千五百人降擒桂陽王

於和州鴻逵奉唐王入福州改元隆武閏六月丁未日
也芝龍鴻逵晉伯爲侯芝豹澄濟伯彩永勝伯鄭森賜
姓朱名成功提督禁旅以駙馬都尉禮從事黃道周爲
大學士蘇觀生張肯堂吳春枝爲尚書侍郎開儲賢館
定十二科取士芝龍議自仙霞關外當守者百餘處所
仙霞嶺在衢州府江山縣南一百一十里去浦城一百二十里有關先爲不可收以規進
取又議以明年春出關計戰兵二十餘萬統閩粵正供
不足一年之食餉緡人無同志虛名假義不可以空腹
爭也時新進者希樹功以駕鄭氏文大臣亦疾鄭氏之
擅諷隆武趨出關圖恢復芝龍對曰戰危事非策萬全
不可會宴大臣芝龍意侯爵可位文臣上道周曰祖制

武臣無右芝龍謝不敏讓居下而環睹皆鄭氏宿將不平甚芝龍門止之終宴諸生疏言道周等迂闊無能隆武敕督學御史徧扶之芝龍鴻逵數援引親舊不聽用意鞅鞅若失尙書何楷劾芝龍引疾不陪祀南郊無人臣禮隆武獎楷好風裁令掌都察院事鴻逵偶搖扇殿上楷面呵之秋九月大軍克徽州右僉都御史金聲死之冬十月道周統兵至婺源潰婺源令道周之門人也給爲內應信之至明堂里爲大軍張天祿所執死蓋洪經畧教也何吾騶曾櫻竝爲大學士隆武擇日親征命芝龍曾櫻留守鴻逵御營左先鋒出浙江彩右先鋒出江西爲壇西郊行推轂禮鴻逵出城馬仆地隆武方乘

鐵背師風暴起旗靡天帝及高皇帝前燭滅三軍土色
十二月甲申啟行丙午駐建甯三年春貝勒博洛固山
額真公圖賴征福建浙江洪承疇經畧如故隆武懼將
出汀入贛引湖南何騰蛟爲援芝龍諫止駐延平封成
功爲忠孝伯潞安王瑞昌王以眾二萬入江甯南都改府不
克闖賊李自成僞總兵馬進忠王進才自岳州叛奔何
騰蛟隆武封騰蛟定興侯騰蛟率眾圍荊州貝勒勒克
德渾馳破之降自成弟李孜僞磁侯田見秀等馬步兵
五千餘人獲玉璽一隆武賜李錦名李赤心賊號一隻虎自
成妻弟名高必正及進忠進才郝永忠原名張光翠袁
應第牛萬才張光壁等十餘營皆隸騰蛟受節制承疇

大索潛山太湖間殺樊山王朱常泉及石應璉等三月
辛未大軍破吉安初汀邵間有大帽山洞蠻永甯王誘
之同據撫州博洛分軍圍撫時彩軍屯廣信永甯請救
遣張家玉以三營往圍解已而大軍復合夏四月彩聞
博洛道衢州將至遂棄廣信入關岑陽關在上饒縣東南一百二十里東去
浦城縣二渡關三十里界廣信豐崇安之撫州破永甯死
圓二渡關在浦城縣西北一百十里彩削爵待罪江西督師萬元吉自吉安退守張家渡又
退守皂口監紀程亮以新威營援師二百人下守縣津
灘壬午新威營潰元吉奔贛贛督師蘇觀生也丁亥粵
遣副將吳之蕃遊擊張國祚以兵五千人援贛庚寅博
洛軍至觀生退守南康是時滇粵先後援贛者累數萬

士望北軍皆股慄莫敢一戰乙巳閣部楊廷麟厲各營
兵尙四萬餘人劉廣盾自甯都募二千人亦至皆先後
潰五月丙午朔廣盾被執博洛軍抵浙江水涸徑渡數
十騎而列戍驚潰走死不暇矣監國魯王由紹興避舟
山肅鹵伯黃斌卿不納會鄭彩至奉之入閩六月鴻逵
自浙還浦城隆武疾彩奉魯王并削鴻逵封爵先是魯
以都督陳謙使隆武御史錢邦芭以謙與芝龍有舊慮
他變請殺之芝龍亟請解官貨謙死隆武故留芝龍語
及出謙殊死矣晉江人黃熙允故厚芝龍以洪永疇舉
爲福建招討使又謂貝勒曰唐藩弱離鄭氏乃匹夫耳
不如給以三省王芝龍使內附乃多爲閒書投芝龍秋

七月己巳隆武由關上主事所搜獲勸鄭氏迎降書二百餘緘承時又僞爲芝龍允獻隆武彩獻魯王書泄之隆武左右鄭氏囚人人自危隆武亦惡其不遐棄也日思遠鄭氏爲全身策成功因以母疾辭還安平鎮在晉江縣西南六守關將施天福等知有內變皆撤兵先後去八月大軍破仙霞關獲閣部黃鳴峻等進破浦城殺楊廷清李暄等遂下建甯延平等府庚子隆武奔汀州追騎及之死芝龍時守泉州與芝豹籌饌貝勒兵卒至眾潰翁氏婦初由日本至死焉芝龍退保安平貝勒使郭必昌招芝龍曰我出師平閩浙數月間悉底就功負一隅何恃速來鐫兩粵總督印待足下緩須臾無及芝龍遂劫

眾奉表出降成功叩馬諫曰海內思漢官威儀出於其性無賢愚恥作蒼頭奴李張二賊窮蹙不日死嘯起巢穴半書生又所嚮無所得食故忽起忽滅若雲掣電明宗室無伯升昆仲才不足奉隆武執既孤大抵走死願大人勿虞北人性習與人殊詐利反覆不可信大人設險以守觀釁而動逸則進勞則退天不厭明擇可立而立之否則終老海濱差可自快弗聽鴻達諫曰兄位極人臣帶甲數十萬舳艫蔽海糧積齊山以此號召天下何所不可委身而事自比琉球奉正朔可矣且三省王爵頓易兩廣總督僞立破兄以此辭不然必悔又弗聽成功泣曰魚不可脫於淵也大人三思芝龍拂衣起去

成功遜歸金門海自泉江口西南至金門百餘里金門西至廈門百里廈門西南至南澳四百
里貝勒遂挾芝龍北去冬十月大軍破贛州楊廷麟萬
元吉投水死初隆武封第四弟由為唐王隆武死乃浮
海至粵與武耜等已奉桂王由監國肇慶蘇觀生從贛
入廣與何吾騶等立唐王廣州改元紹武十一月大軍
破廣州王及觀生自縊死吾騶等降彩由廈門奉魯王
次長垣改明年為魯監國二年成功自仍隆武舊朔肇
慶踰年改元永歷海上遂有三朔

臺灣鄭氏始末卷二

德清沈雲撰

烏程沈 理注

四年春正月成功令鵠達鎮金門芝豹芝鵬守安平而

自率舟師泊鼓浪嶼

同安縣西南六十里廈門西北多大石

魯王以進取

福甯興化功晉彩爲建國公熊汝霖爲相彩季弟斌鎮

南伯楊耿鄭聯以兵會長垣封耿同安伯聯定遠伯辛

未周崔芝復海口二月壬申朔克海澄

漳州府東南五十里破九

都

堡在海澄西成功令其叔父香守海澄石尾港癸酉攻漳

平不利甲戌福撫佟國鼐遣副將鄒必科等援海澄而

自率師攻海壇

長樂縣東南七十里海中

丙子彩克

漳浦越五日辛巳鄭西王朱常彪復建甯其國師王祁

復邵武辛卯彩攻福州必科等來援相拒月餘不克夏
四月佟撫遣兵破海口崔芝退保火燒嶼六月彩攻漳
州不克秋七月魯王親率彩等攻福州不克八月成功
會鴻遠於泉州桃花山晉江縣東南三十里沈佺期等起兵應之
泉州提督趙國佐以兵二千迎戰成功與鴻遠出奇兵
夾攻大敗之遂圍泉州而分伏於中途襲殺擗石寨參
將解應龍拔其寨八月丙戌彩乘閒取連江九月己亥
漳州副將王進率騎兵五百步兵千來援聲言潮州兵
數萬卽至成功曰彼出一旅扼五陵在大盈堡東安下西北而攻
安平則腹背受敵矣乃分兵守刺園而自營五陵以待
進果至大盈南安縣西五十里知有備而閒道出南安突泉州

閩鴻逵遣洪政迎戰敗鴻逵避金門成功退保安平前
浙江巡撫盧若騰進士葉翼雲舉人陳鼎海澄人甘輝
南安人施郎與弟顯貴及邱縉林壯猷金裕先後傳成
功冬十月魯王連下長樂永福閩清羅源甯德其大學
士劉中藻別以兵下福甯州十二月魯遣陳世亨復安
固不克林奎林汝嘉攻福清兵敗皆死五年春正月興
化分守道彭遇颺以城降魯二月江西總兵金聲桓遣
郭天才援閩養鼎慢遇之天才降魯封忠勤伯三月成
功率甘輝攻同安守將折光秋棄城走遂授葉翼雲知
縣陳鼎教諭桂王使輔明侯林察諭成功遂改永厯紀
年還使稱賀以縉等三人守同安而自整舟師趨銅山

援粵金聲桓及王得仁用隆武年號攻陷南昌等府逆
流攻贛贛帥高進庫故興平伯傑兒子也求援於粵李
成棟與布政袁彭年脅佟養甲奉永厯令民解辦會聲
桓竝奉表至桂詔封聲桓豫國公得仁建武侯命吳貞
毓以吏部侍郎使成棟所浙閩總督陳錦暉成功兵出
遣師分攻興化莆田永福長樂建甯等所至皆克凡魯
先後復三府一州二十七縣至是僅保甯德福安二城
鄖西王以下死者無算夏五月大軍破聲桓復九江饒
州等府六月彩糾李長蛟王國用陳泰鍾萬餘人分道
攻建甯遣聯等率散卒藏皂衣白旗分伏各城約期內
應秋七月丁卯遣陳鳳藍衍吳豪各以勁卒二百人乘

夜突門楊棟黃勝率舟師奪海口約同夜進燒漳州江東橋柵襲破長泰海澄龍溪遂攻同安安溪福甯守者皇遠皆下八月靖南將軍陳泰率大軍居同安翼雲等皆死進克長樂連江陳泰等自戰彩聯而別遣李率秦等分攻各城彩等眾寡不敵遜出海口大軍遂入興化殺守者顧世臣等永厯至肇慶成棟迎百里外儲黃金千兩白金十萬緡幣稱是備餽頒好予永厯大喜政無巨細關成棟而後受成焉聲桓得仁剛嶺三月不克南贛撫劉武元聞師絕其餉乃解冬十月永厯詔封成功威遠侯辛丑詔養甲代祭興陵端王後而密令李元允礮之江中以貳故十二月惠國公成棟由南安攻贛敗單

騎遜六年春正月大軍破南昌聲桓得仁皆死三月大
軍至南安而別將分破南康克信豐連下撫州建昌成
棟溺水死初騰蛟開府于長沙之湘潭是月湖南北十
三鎮先後破湘潭不守騰蛟死大步橋下永縣遣告急
於成功遂遣施郎楊才黃廷柯宸樞攻漳浦守將王起
鳳降遂下雲霄殺其守將裴國柱在漳浦西傳檄浙粵
江西王翊起四明山即天台眾萬餘人攻上虞破之蕭
山石仲房會稽王化龍陳天樞台州俞國望金湯奉化
吳奎明袁應彪平岡張煌言上虞李長祚皆應翊遂東
徇奉化猝遇大軍奎明嘗之遜翊迎戰於河泊所大敗
之是月大軍克甯德夏四月遂克福安劉中藻吞金死

魯將同時死者董世南等數百人王白沙埕徙南田遣

張名振復建跳所施郎等進克詔安獲其守將姚國泰

進屯分水關在詔安東南二十五里分遣黃廷洪政守羅山嶺宸

樞守盤陀嶺漳浦西南三十里以書招潮州總兵郝尙久不從

五月魯告急於舟山黃斌卿不應又使使四明拜朔河

南道御史六月又拜右僉都御史會稽人嚴我公爲魯

招顧虎臣及長興柏裘甫皆以眾降永厯遣胡執恭以

侯爵往封孫可望李定國劉文秀艾能奇已誅張獻忠

之四將也執恭既矯詔封可望爲秦王秋七月詔封成

功延平王固辭不受乃改封廣平公又封李過卽一隻虎爲

興國公高必正郎國公朱由植率眾攻南嶺不克死劉

治國等九人自廣東分三路進攻南贛亦不克死是皆

成功檄奉永縣者也八月成功遣陳斌進破遠濠寨在湖陽

縣東三十五里凌美二寨降其守將張禮又令黃山從海靖所

破惠來縣以汪匯爲知縣正兵鎮盧衛守之九月張名

振阮進共殺斌卿迎魯王冬十月丁亥自建跳所徙舟

山山西虞允陝西王國賢等皆遙奉永歷年號攻下蒲

州及臨晉河津等府縣旋皆失陷大軍既克湘潭遂破

永興獲總兵尹舉智等李過一名錦又赤心棄辰州遁又擊

王進才馬進忠於寶慶又破光山伯劉體仁等十營於

紅江又破衡州進破胡一靖六營於全州彩聯等自舟

山還乘間克復興化斬其推官黎樹聲十二月焦琰分

兵攻全州不克大軍乘勝克道州永州常甯沅州進克

烏撒城及文考洞閣部楊隨等皆死宜爾都齊等大敗

郝永忠於黎平遂破之七年春正月大軍克南雄永厯

自肇慶奔梧州李元允留守肇慶成功克潮陽

縣在潮南一百

四十里西南至惠來縣百六十里知縣常翼風降徵饒和平不允遣楊

才攻破其寨才暴卒而以林勇代攝其眾三月遣施郎

招萬禮於詔安九甲夏四月禮率眾降五月檄高必正

等援梧州六月成功圍潮州總兵王邦俊拒守陳斌斷

廣濟橋

在城東跨韓江上廣二丈長一百八十丈

戰其將郝尙久尙久卻乞

援於漳州王進進攻羅山廷政敗走進攻盤陀宸樞堅

壁守進以騎兵誘戰而別由閒道出雲霄夾擊宸樞死

成功大驚乃解圍退潮陽時彩聯方據廈門秋八月成功令施郎分兵伏諸島而自設宴虎坑巖邀聯聯至半山塘伏起殺聯成功佯慟購千金告殺聯者分兵護彩已而其將陳鳳藍衍吳豪楊棟黃勝各以其眾來附并舊將藍登皆授原職遣洪政持書招彩彩竟全師付政成功大說九月定南王孔有德軍至桂林諸將望風遜瞿式耜等不屈死靖南王耿仲明至吉安自盡平南王尚可喜自攻肇慶等府而碣石守將蘇利閒道急破惠來在碣石東盧僑汪匯皆死成功命輔明侯林察將左軍閩安侯周瑞將右軍定西侯張名振將前軍平夷侯周崔芝將後軍自將中軍馮澄世潘庚鍾將遊騎策變別遣

閩部揭重熙總兵李安民蕩南伯洪國王分攻邵武等處令洪政約束南澳銅山諸島掠詔安饒平擇口進取會永厯告急自廣西至連成功道虎門入虎頭山在東莞縣西南五十五里大海中有大虎小虎二山冬十月以黃大振守名虎頭門外夷入貢及出使要道海壇阮引藍登佐芝鵬守廈門而自帥五將軍之兵抵潮陽聞廣州已破永厯奔漳州陳邦傳叛劫從官溺死者董英許玉鳳潘駿觀三人而施郎與陳斌隙又告潮人黃海如將叛去乃陰遣林習山襲殺海如攝其眾遂攻潮州未下聞重熙等攻邵武戰失利盡焉川湖督羅繡錦等各遣大兵助可喜十一月福建巡撫張學聖亦分兵擊要害十二月兵解潮州八年春正月退屯南澳

萬厯四年築城三里以肅拱宸爲中衝鎮守青嶼在南

左右有灣曰白沙

灣

令洪政施郎陳堦鄭文星潛軍還守廈門二月初白沙

澳在北

湖惠來縣西南

抵天星所敗惠州援兵復惠來城分兵守之

聞學聖遣總兵馬得功奪廈門阮引藍登懼不敵遜芝
鵬挾珍寶棄城走成功妻董氏跳海濱僅以舟免而施
郎等出不意截戰得功於員通港得功蹙走鴻達所嘗
相得也遂縱去及成功至則去已五日矣由是與鴻達
隙夏四月改廈門爲思明州以鄭肇柱爲知州出隆武
所賜尙方劍斬芝鵬貶引登秩而重賚施郎陳堦等鴻
達謝歸命洪旭鎮思明族兄泰鎮金門芝豹施天福鎮
安平張進鎮銅山陳竊鎮南澳距南洋許龍碣石蘇利

而自屯金門後浦永厯使宦者劉九皋報孔有德已先
後盡克桂平梧柳四府地靖江王并世子文武臣四百
七十三人皆沒上自潯州徙南甯三宮徙田州湖南牛
萬才率總兵以下官八十三員兵七千七百降北是月
成功以施耶有犯囚諸舟中脫去成功怒殺其父大宣
及弟顯貴郎閒行詣蘇茂茂令之安平芝豹所成功捕
之急郎遂降北更名琅成功悔曰自此不復安食矣五
月成功帥九將軍之兵攻漳浦道南溪在縣南六登岸
隘所西北副將王進迎戰不利入城堅守環攻之不下六月還思
明尚可喜連克雷廉潮惠諸府地秋七月平和人黃梧
來附授副將以陳六御爲北鎮領騎兵九月復攻漳浦

敗王進於馬口

寨在縣東北

提督楊名高統興泉諸鎮兵入

援成功親勒六軍藍衍杜輝當前甘輝余新督中以繼
蘇茂郭義伏小盈嶺左楊祖蔡祿伏小盈嶺右陳魁黃
梧彌縫左右翼成功憑高示進退引名高步騎戰嶺下
兵交伏發名高突陳遯泉州漳浦守將楊芝德陳堯策
以城降竝授總兵以林其昌守知縣冬十月永厯徙新
甯陳錦遣兵破舟山魯王遯尚書李向中將軍劉世勛
以下死者數十人十二月成功遣乞饟日本以足軍實
阮駿自舟山來歸九年春正月海澄守將郝文興迎成
功入遂授文興前衝鎮以黃維鼎爲知縣張名振沈宸
荃張煌言扈魯王至金門宸荃艤舟南日山風裂維鼎

去失所之永厯徙廣南孫可望遣總兵王愛秀迎至安
隆所改名安龍府周全斌同安人以三策干成功曰大
將軍志在勤王當以計開孔尙吳使反正檄孫可望李
定國分兵川楚連師閩粵一道湖北徑取南鄭窺洛陽
拊其背一由巴蜀搗關中封函谷扼其項一浮長江畫
南都遏其饑以虛其腹此上策也會孫李師分克楚粵
巴蜀由黃梅分克太湖潛山德化建昌一趨南贛一趨
合肥粵師由南雄會閩師浙師左右之而又分南贛之
師道浙浮江分下大江南北而下楚蜀之米以蘇閩浙
不時之需此中策也若夫棲兵各島以聞蠶食浙粵沿
海諸郡邑陸取南贛汀邵觀釐乘便此下策也成功大

說授房宿鎮參軍事遂密表於永厯會孫李進取偵孔

尙易防之閩而捍合之而自遣諸將從江東

驛在龍溪東四十里

至長泰戰王進溪西

龍溪西溪

敗之二月城未下而

總督陳錦援兵大集成功屯柳營江東

江東驛水錦屯始出峽處

牛蹄山距五里三月錦眾來薄蘇茂林勝逆戰杜輝吳

豪橫截其腋大敗之退同安鳳尾山

大鳳山在縣北三十里形如鳳翅此

其支

其奴庫成棟受杖怨錦夜到其首來奔長泰守將

李青棄城走遂以馮澄世爲知縣斬成棟以徇曰此殺

主以求利者夏四月以黃廷爲前提督黃山爲後提督

圖漳州永厯將陳邦傳殺焦璉以漳州降凡思南慶樞

等二十二府州縣皆沒閩撫劉金衢鎮總兵馬逢知援

漳甘輝請曰錦喪眾河懼逢知遠來急擊勿失不聽逢知既入而復圍之數日逢知出戰士皆却後不能軍王進以師援敗遯巡撫宜永貴潛師攻廈門陳輝擊之遯五月孫可望分道出師李定國下楚馮雙禮副之劉文秀下蜀王復臣副之六月壬寅定國軍武岡雙禮軍寶慶畧沅靖皆捷執可乘勝南下而虞有德之躡其後也分武岡軍出新寧寶慶軍出祁陽合趨全州別遣西勝營張勝鐵騎右營郭有名道西延大埠取嚴關嚴關者所由入桂林要隘也雙禮統前軍都督高存恩鐵騎前營王會武安營陳國能天威營高文貴坐營靳統武合兵八萬先進抵驛湖斬有德騎將李四降其騎卒萬餘

遂薄全州定國統右軍都督王之邦金吾營劉之講左協營吳子聖武英營廖魚標奇左營卜甯合兵十萬繼進未至全州下定國令急過全州趨關雙禮既下全州亦分軍會後有德聞驛湖敗急遣精卒數萬援全不及遂急趨關則張勝郭有名已營關上諸軍皆會戰關下定國驅象陳衝之却蒼頭鐵騎持重兵奮突遂大敗之又追敗之大榕江有德急入桂林閉城守諸軍圍之三日止守陴皆潰有德投火自焚死俘其子庭訓及叛將陳邦傳及其子陳師禹秋七月敬謹親王尼堪統大軍進取寶慶而黔將白文選已先克辰常殺總兵徐永興以下死者無算壬申尼堪入衡州精騎十萬分將援辰州

定國遣張虎助文選而多張疑兵於河上若爲堅壁不出者壁門左右舁坑穽帷濠於邊緣以遊騎伏奇兵間道繞其後夜火象奔衝其堅迫之河上精騎盡覆文秀入蜀初克重慶敘州嘉定諸府州吳三桂親兵逆戰寡敵輒奔文秀諸將多易之旣克成都兵益驕弛不設備三桂簡精卒攻破降其眾乘勝復嘉定殺總兵龍名揚遂拔重慶殺總兵李廷明九月定南將軍阿爾津都統馬喇希征廣東冬十月尙可喜耿繼茂兵克欽靈諸州平西王朱聿鎮率侯伯總兵李元允張月周朝袁勝等降元允至廣州不屈死尙可喜分兵克梧州成功之聞漳州者凡七月援絕糧竭死者七十餘萬人固山金礦

會總督劉清泰統大兵救漳成功政益急令周全斌禦
援兵於龍江之東城東四里將戰聞礪已潛渡長泰出江
東大驚成功解圍屯古縣黃山率陳鳳等迎礪戰不利
成功退屯海澄以郝文興王秀奇守之還思明州永厯
封定國西甯郡王雙禮興國侯三桂破復臣軍於保甯
城下復臣與其將張先璧皆死十二月江西巡撫蔡士
英克安福永新阿爾津馬喇希移征湖廣

望灣鄭氏始末卷二

臺灣鄭氏始末卷三

德清沈雲撰

烏程沈 荊注

十年春正月魯王在金門去監國號成功爲樹宗人府
正旗月歸芻米三月遣張名振陳輝率兵北上定遠大
將軍貝勒屯齊統兵會阿爾津韓岱宜爾德等環攻永
州定國遜去丙子進克寶慶辛巳進宿松口初可望忌
定國功高旣封復悔譏人從欲禍之故遜去可望盡收
前所復長沙等府縣官印思易置乃皆棄城走南甯鎮
朱養恩等數言宜招定國不聽壬午可望統軍自靖州
會馮雙禮白文選馬進忠合拒大兵岱等出奇連敗之
可望軍不能成列乃乘莫遜入峒口夏四月金礪劉清

泰分兵出福泉二港會攻海澄成功遣林察周瑞防海

壇

近福港

湄州

近泉港

而自屯海澄王秀奇郝文興陳堯策

守鎮遠寨甘輝萬禮爲援五月察先遭風被執及搏戰
礪騎數萬不勝陳魁出奇薄敵營遇伏創甚以甘輝救
得免後衝鎮葉章戰死以周全斌代章楊正攝魁軍復
振城亦旋裂旋築礪每攻輒爲鎮遠寨所撓亟擊不能
下成功令火器鎮何明隧濠下空中實神藥火物勒敢
死士持利斧待斫凡礪兵渡濠先登皆遇斫後者火發
多斃礪雜散卒遯漳州秋七月攻鷗汀寨

澄海縣西二十里

關

陳鐵虎不利師還八月永厯改封成功漳國公九月郝

尙久奉永厯朔據潮州爲尙可喜所困乞援師成功軍

至則耿繼茂已被劾三日遂令甘輝等下揭陽以濟軍食十一年春正月命將扈魯王謁永厯不達還駐南澳永厯改雲南爲雲興府辰州爲沅興沅州爲黔興起劉文秀爲大招討督諸軍東伐二月 中朝使賈海澄公敕印招成功成功辭曰士卒散多無土可著願還上敕印便初清泰奉 密諭察奏旣至復稱廈門左右故鄭氏地非它僭竊者比撫臣張學聖道臣黃滿鎮臣馬得功垂涎金穴乘成功他出潛師襲取悉其家資致鄭逆修怨索償海疆淪陷 命礪三人及革按臣王應元職解京嚴訊都人士又藉藉道芝龍初居泉之東石有李習者商販日本致累鉅萬無子子芝龍又爲取日本長

琦王族女多載珍奇還東石宮甲八閭第宅縱橫數十里每出遊從人數百衣服麗都若一莫辨疇孰芝龍者崇禎中受撫于巡撫沈猶龍進珊瑚高尺餘飾珠龍金盃爲猶龍母壽猶龍歎嘖嘖則復進一樹如前高製生犀黃金爲甲因得結海內魁桀及世家執袴子云是月成功遣諸將分攻興化漳泉福州三月親整舟師攻畧崇明靖江泰興俘戰艦數百械數千遂燬武於金山遙祭孝陵而還時尙可喜專領廣東耿繼茂移駐桂林定國克復高明聞新會未下都統朱瑪喇會可喜大軍往援夏四月成功命泉人戴捷爲援勦前鎮統三千水師援定國攻潮州破之以定海李孟弋守知府防潮陽惠

來六月 中朝封芝龍同安侯遙封鴻達奉化伯芝豹
就撫官左都督遣使偕芝龍季子渡齋惠潮漳泉四府
備安插兵將敕印撫成功使者見成功戒嚴令先薙髮
後接 詔成功疑紿已也論數日不決使還成功復書
其父曰曩歲戊子王裕使上聞父被圍後遂不通一介
懼滋累耳歲壬辰周繼武持書來不信先因道路傳聞
卒遭不諱故遣李德走探動靜至於和議實非本心自
古忠孝不兩全成敗不並立成功何人顧能兼是 新
朝徒以孫可望李定國成功三人力扶王室往來馳驟
於滇黔楚蜀閩粵贛浙淮鳳蘇松間犄角執成卒難力
服乃以孔尙耿分藩駐防與三桂爲之竭力而陳錦授

首於東有德隕身於西彼復此陷旋得旋失計以海澄
公四府地相餌折鼎足之執孤孫李之援成功方宴使
者報恩寺禮待極隆而使者哨騎四出張皇山谷委
詔書於草莽徒曉曉於先薙髮後接詔甚無謂也天
下豈有未稱臣輕薙髮者然諾在布衣往往出肺肝相
示況成功不爲利動不爲害怵磊落作事聞天下一旦
苟且曖昧不特不見重於新朝亦且貽笑於後世矣
父寄新朝所謂中流失船一瓠千金其得延今日者
幸也不幸成功亦唯是縞素復仇以結忠孝之局他何
言哉書欲不復黃六表痛哭極陳必得一言以爲信用
詳所以伏維自重秋九月可喜再破定國軍新會圍解

成功大練舟師備進取冬十月漳州守將劉國軒僕世
川等以城降官國軒護衛後鎮魏其志火武鎮世川木
武鎮張世輝監督知府房屋華龍溪知縣周瓊等如故
十一月發水陸師十萬應定國漳屬十縣泉屬七縣先
後皆降以南靖知縣李奇生爲同知漳浦知縣范進爲
通判餘守原官如故十二月遣甘輝取仙遊定遠大將
軍世子濟度統大兵至是歲可望出按沅靖諸營由平
越道屯天柱十二年春正月輝使陳謙攻仙遊知縣陳
有虞守不下洪善穴地置火器裂其城百餘丈遂破有
虞死永歷封定國晉王文秀蜀王遣宦者劉玉泛海來
告可望與定國不和可望殺大學士吳貞毓以下十八

人二月成功置吏戶禮兵刑工六官令思明知州鄧會

領諸賢育才二館取士黃帶臣洪初闢等四十人三月

應定國師失利還潮州陷夏四月築丙洲新城同安縣南四十

里城周釋林察舉爲總督與周瑞帥舟師勒王破潮州

復之聞繼茂可喜擊斬總兵廖篤增於玉版泉追敗定

國於興業縣名分兵克梧州又連敗之於橫州等處遂分

兵攻下高雷廉三府三州十八縣定國遯南甯府名橫州

等二州四縣皆陷察次虎門不敢進成功責察觀望命

戴舉立功益以前提督黃廷爲帥萬禮爲副率二十鎮

水陸師赴粵命定西侯張名振爲帥陳輝爲副統二十

四鎮入長江前進洪旭爲水師右軍陳六御爲五軍戎

政監其軍中提督甘輝爲總督王秀奇爲副率二十鎮
繼進爲援弋甲耀口鉦鼓闖江夏五月都統石廷柱統
大軍爲鎮海將軍駐防京口定遠大將軍世子統大軍
乘虛攻擊總督劉清泰分兵防要害遣使齎書招成功
且言大兵雲集後將無及成功笑不應厚其使而遣之
甘輝會洪旭舟山乘岑江口卽岑港在舟山所西北守將巴臣功
卽副將杞成功堅壁不戰黃廷入揭陽港俗名牛山洋在澄屯海西南四十五里
桃花山潮州總兵劉伯祿駐鴈嘴埔亦堅壁不出林勝
夜襲土填濠進破其壘伯祿遁揭陽普甯兩縣相去海七十里
澄皆下毀普甯城以峻揭陽六月芝龍圈禁高牆芝豹
戍甯古塔都統伊爾德爲甯海大將軍統滿漢兵抵舟

山永懋將軍盧明臣馮雙禮分攻岳州武昌劉文秀攻常德甯南靖寇大將軍陳泰及護軍統領蘇克薩哈分徵大敗之明臣赴水死雙禮文秀遜泰窮追文秀爲定國援軍所敗陳泰死都統阿爾津代爲甯南靖寇大將軍偕都統卓羅駐防荊州都統祖澤潤分防長沙成功令兄泰移安平輜重於金門徙泉屬士民渡金廈空府藏墮漳府惠安同安諸縣城使張英築沿邊礮臺益戰艦從澄世計北兵利陸戰不利水戰故也郝文興守海澄以林其昌爲知縣遣英義伯阮駿總制陳雪之會名振守舟山烏洋遣李化龍招臣功臣功降授鐵騎鎮收名臣興洪旭甘輝還次台州港總兵馬信以城降授中

權鎮爲征南將軍秋九月文興卒令王秀奇守海澄冬

十月名振軍次定海關

在鎮海縣南門外

降其守將張鴻德授

前鋒鎮十二月世子軍至泉因成功退守兩島復遣招

撫不報十三年春正月可喜遣劉伯祿徐有功克揭陽

普甯次揭陽城西爲定遠軍犄角黃梧諸鎮軍屯埔上

蘇茂欲先迎敵郭遂第止之曰列隊過橋勝則可却則

難退梧曰戰無不勝何退爲茂遂逆戰有功伯祿夾擊

大敗之黃勝林文燦皆死黃廷急引軍轉攻伯祿營伯

祿反救遂第乃以一軍免諸鎮皆沒浙閩總督屯泰分

兵攻舟山台州二月馬信率降將馮用張洪德謁成功

永愿在安龍可望謀劫駕出降定國舉兵敗可望奉駕

駐雲南改滇都成功令五軍總制張英督杜輝林勝佐
廷禦伯祿軍三月名振卒以陳雪之代遣馬信洪德助
駿守舟山堵屯泰軍伯祿絕港爲營徵各鄉之濟廷食
者耿繼茂攻定國於南甯禽輔晟伯李先芳斬參將杜
紀等定國奔隆安夏四月定遠軍戰艦已具使韓尙亮
爲前鋒檄諸軍會戰成功令林順等七鎮屯圍頭陳魁
等四鎮泊遼羅泰率舟師爲應萬禮等五鎮分據高崎
滯尾昔在海澄
縣西圭嶼縣東及海澄諸港洪天祐張煌言
巡廈門尙亮出泉州港順卒火輪舟逆之陳濟王明伏
走舸繫其樓船沈溺十數尙亮却大軍集團頭順以鐵
面軍據上風揚灰火弩齊發大敗之抵暮風雨大作滿

漢兵播蕩不能支既昏雨止風愈暴北艦不能寄棹漂
失過半成功令在廈門俘獲者斷其掌縱還先是有嘉
禾斷人種之謠嘉禾卽廈門閩評掌與種似故厭之或
說世子曰金門白沙寨爲鴻逵棲隱地出不意攻之可
得也金門得則廈門孤矣從之遣王進功潛軍駛往洪
旭逆擊順率八鎮軍助之進功潰遯泉州港五月延寧
乏食趨碣石攻蘇利利又堅拒不下遂還六月成功以
蘇茂輕進覆軍斬之罰黃梧輸鎧甲五百代王秀奇守
海澄王元吉爲知縣周全斌爲左先鋒鎮郭遂第爲後
衝鎮改名華棟以忠勇侯陳善守思明州初施郎之去
也茂縱之至是斬茂諸將以茂功多有後言成功乃膽

茂妻子爲文以祭引諸葛忠武斬馬謖以自解梧心猶不自安遂劫副將鄭純及茂弟明知縣元吉殺總兵華棟殲其部眾以海澄降協將康雄不從斷其手得墜城出世子奏梧爲海澄公梧薦施琅爲總兵蘇明有母在成功所成功亦不誅也康雄張協請速援五都土城則大兵畢至海澄甘輝等議土城已不可守令康雄林明保輜重還海門山在海澄東北成功擢雄左戎旗鎮明右戎旗鎮秋七月遣黃元佐張進協守銅山在古雷寨隔海之西古雷在海浦縣東南五里時以福州無重兵計潛軍閩安襲福州遂令甘輝萬禮統杜輝等十五鎮北次湄州命戴捷爲嚮道黃廷守廈門洪旭佐兄泰守金門陳輝統戰艦二十泊南

山圭嶼辛亥親帥王秀奇等奪閩安斬守將胡希孔生

擒百七十餘人送入南臺

亦曰釣臺山在閩縣南九里去建江百步奪橋壽

橋在府南跨南臺江上長三百餘丈

乙卯戰橋北再勝丙辰戰於教場禽

延平參將張禮奪戰馬二十五匹遂圍福州分兵東守

烏龍江

江即陶

遏漳泉援師北守連江嶺遏溫台援師西

絕洪塘水口

府西十里與陶江通

以斷延建饋運惟南而近水不

爲備築礮臺與烏樓對衝輜糧城巡撫宜永貴急出原

任布政周亮工副將王進於獄中問計亮工謂敵防疏

東南當遣田勝李武伏軍西南遣王進潛師出鼓山後

閩縣東

轉六通橋徑攻南臺破敵必矣八月己卯成功

分將克連江

府東北九十五里

而進軍來襲眾疑大兵畢至驚

潰成功不能禁退屯閩安定遠軍偵成功出命馬得功

道雲霄八尺門

在雲霄城南銅山城北

攻銅山爲黃元所敗走伊

爾德敗總兵王長樹毛光佑沈爾序等於大蘭山殺之

連攻定海敗阮思等於衡水洋口辛丑遂連破陳雪之

等於舟山英義伯阮駿陳六御張洪德等皆蹈海死九

月阿爾津破永厯將姚黃於舛陵之蛇退山冬十月遂

破辰州土司彭宏澍籍所屬三州六司三百八十洞戶

口降成功禮官陳寶鑰逃泉州納降以黃開泰爲禮官

以同安死難教諭陳鼎子永華有經濟才命爲參軍十

二月攻羅源

江西南至連甯德源一百里

定遠遣阿格商

巴都來援成功回思明州甘輝殿阿格商追至護國嶺

輝使韓英劉巧伏兵西北山谷中黃昭伏橋東北魏其
志陳謙逆敵佯敗過橋伏起斬阿格商甘輝還戰巴都
盡獲輜重以還是歲芝龍復遣使勸降復書有曰天下
豈有無父之人哉然竊私籌父之禍福安危孰矣使者
重來良非得已成功死辜更復何言乃所以強忍須臾
不卽輕身一擲者徒南望吾君雲天萬里北思吾父喘
息重園恐一朝落機阱飽虎狼爲婦孺之所竊笑負君
父重恩靡有旣極耳若論創業明君招撫懷遠則有道
矣漢光武推誠以待竇融唐太宗於尉遲敬德朝爲敵
讐暮卽心腹宋太祖時吳越王錢俶全家入朝兩月遣
還羣臣乞留章疏封固賜之豈不誠恢宏大度能鼓舞

蒙桀不自己效章章若斯必謂以德服天下唯唐虞三代獨然與今當事者喜以詐力相尙有初鮮終此成功不幸中之於先而決之於豫者非謂世澆必不古若亦其性習疑殊也父長者不樂以不肖之心測當世乃今若此當亦稍稍自悔矣天實爲之嗟何及矣世子王將軍都統總督巡撫四集徧壞將三載勞苦功高一弄兵於白沙戰艦蕩沒再弄兵於銅山士卒奔潰舟台先失四將來降巴臣功馬信馮川張洪德希孔格商先後授首乃一裨將黃梧叛獻海澄遁封公爵供成功指揮若梧者累計億千恐盡天下不足封其以是爲能詐邪否邪前者庫成棟弑錦首來獻成功卽斬以徇爲叛臣賊子戒竊謂天

討無私天不變道亦不變而顧反之以爲教是誘天下以叛也誠不知當事者自居何等且甚危乎其爲上矣本之不持末焉是議爲天下別順逆斤斤以雉髮爲辭無論古來聖帝明王未有髡完爲教忠孝者卽如姜瓖金聲桓輩孰非雉髮稱順而叛不旋踵殆深奉其教然與教叛膺上賞果以叛爲順與非與夫彼旣從其所好所令矣而又從而誅之示天下爲爭此區區一片土抑何教之未明量之不廣也漳泉潮惠懸海隅誠以畀我完我君臣父子得保一區如殷巢伯周箕子休養生息於其間彼無此侵此無彼畔使中朝永永無南顧憂成功縱不足見高皇帝於地下然而塗炭生民歲月無

已當亦君父之所不忍出此況乎成敗不可必天命不可知也誓日指心有言不再中腸委折拜使黯然丁酉火藥局災十四年春正月永厯自澳都以璽書來問且告議開緬甸爲省以元江土府爲總督不果定遠軍分防泉州大營高濟烏龍江惠安衛套侯官閩安諸隘成功督舟師北上次三都二月攻溫州金鄉衛平陽縣南七十里守將翟永壽降三月使萬禮韓英守閩安羅星塢寨閩縣東成功師出鎮下澳遇風還定國公鴻逵卒於金門諸鎮戒嚴夏四月都統宗室羅託駐防荊州都統伯佟六十駐長沙成功使楊廷世劉九皋請秦王晉王修好會師進取使施舉李順往浙江遇定海關軍戰死秋七月

成功舟師出興化陳斌盧謙余程守閩安八月抵海門

攻黃巖守將王戎執知縣劉登龍降進圍台州巡道蔡

瓊枝副將李必知府齊維番臨海知縣黎嶽以城降九

月天台太平諸縣降令宗維甯說海門衛台州府東守

將張捷與前所衛城北守將劉崇賢皆降而都統屠泰

會總督李率泰兵破閩安余程戰死斌謙率眾出降亦

死成功遣陳堯策守狼崎山在閩縣東而白回廈門防禦冬

十月可望攻定國軍不勝遂率妻子及標下總兵都督

等降北初封義士遂以洪承疇統軍會羅託等由湖廣

進討定國吳三桂會都統侯黑爾根侍衛李國翰由四

川進都統卓布泰會提督綏國安富喀莽吉圖等由廣

西進都統濟席哈等隨羅託由湖南進十一月成功師
至南澳攻鷓汀壩寨屠之屠泰以舟山不可守遷民渡
內地迫之海水之間溺死無算遂空其地成功復分兵
屯守招撫十二月永歷使漳平伯周金湯偕廷世九皋
齋詔至思明州封成功延平王泰加少傅賜尙方劍便
宜行事王秀奇祥符伯馬信建威伯甘輝崇明伯黃廷
永安伯萬禮建安伯陳輝忠靖伯洪旭忠振伯餘侯伯
印數十付成功頒錫成功率諸將拜受遂進謝表并會
師江南疏使參軍徐孚遠隨金湯復命乃設長史審理
典寶典仗典儀典膳諸官以王府禮從事